



宋槧太平御覽



和装本

13

403

144



18
403
144



太平御覽卷第九百三十四

麟介部六

地 下 虵

風俗通曰車騎將軍巴郡馮緄字鴻卿為議郎發綬箭布

二赤虵可長三尺分南北走大川憂怖許李山孫憲得先

人秘要緄請使卜云君後三歲當為邊將控地四五千里

官以東為名後五年為大將軍南征此吉祥也

蜀王本紀曰秦王知蜀王好色乃獻美女五人蜀王遣五

丁迎女還梓潼見一大虵入山穴中一丁引其尾不能出

五丁共引虵山崩壓五丁

玄中記曰東海有虵丘之地眾虵居之無人民多神虵或

人頭而虵身



此係明治
冊八年八
月廿八日
悼山諸人
所購以贈
圖書

又曰崑崙西北有山周迴三萬里巨蛇長萬里蛇常居此山飲食滄海陳留風俗傳曰小黃縣者宋地故陽武東黃鄉也因黃水以名縣沛公起兵野戰喪皇妣于黃鄉天下平定乃使者以梓宮招魂幽野於是丹蛇在水自洗濯入于梓宮其浴有遺髮故謚曰昭靈夫人

雷次宗豫章記曰永嘉末有大蛇長十餘丈斷道經過者輒以氣吸引取之吞噬已百數行旅斷道道士吳猛與弟子數人往欲殺蛇蛇藏深穴不肯出猛符南昌社公蛇乃出穴頭高數丈猛於尾緣背而以足按蛇頭著地弟子於後以斧殺之

裴淵廣州記曰晉興郡蚺蛇嶺去路側五六里忽有一物大百圍長數十丈行者過視則往而不返積年如此失人

甚多董奉從交州出由此嶠見之大驚云此蛇也住行旅施符物經宿往看蛇已死矣左右白骨積聚成丘

鄧德明南康記曰南野巘山有漢太傅陳蕃塚墓西岸有廟名曰宮渚昔值軍亂崗墓有三寶軍人爭掘指麾必啓忽大蛇圍繞墳前崩雷晦雨當時音不得發

宋承初山川記曰興古郡有大蛇名青葱有大蛇名赤頸又曰柴幸縣有飛蛇

外國圖曰圓丘有不死樹食之乃壽有赤泉飲之不老有大蛇多爲人害不可得居帝遊圓丘以雌黃精厭大蛇

郭子橫洞冥記曰蛇璣出塗云國有青靈蛇產珠色光白如瓊琰之類

博物志曰蝮蛇秋月毒盛無所螫齧草木以泄其氣草木即死樵採設爲此草木所傷刺者亦殺人

又曰地節三年種蜀黍其後七年多蛇

廣志曰永昌郡有岐尾蛇○又曰蝮蛇與土色相亂長三四尺其中人以牙歷之裁斷皮出血則身盡痛九竅血出而死

列異傳曰壽光侯者漢章帝時人効百鬼衆魅有婦爲魅所病侯効得大蛇又有大樹人止之者死鳥過亦死侯効樹夏枯有蛇長七八丈懸而死

搜神記曰魯定公元年有九蛇繞柱占以爲九世廟不祀乃立煬宮

又曰隋侯行見大蛇傷救而治之其後蛇銜珠以報之

又曰竇武母產武而并蛇蛇送之林中後母卒及葬未定有大蛇自榛草而出徑赴喪所以頭擊柩滄血頃而去時人知爲竇氏之祥

又曰宋元嘉中廣州有三人共入山中伐木忽見石窠中有三卵大如升便取煮之湯始熱便聞林中如風雨聲須臾有一蛇大十圍長四五丈逕來於湯中銜卵而去三人無幾皆死

又曰秦臆居曲阿彭皇野忽有物如蛇突入其腦中蛇來先聞鼻氣使於鼻中入盤其頭中覺泚泚冷聞其腦間食聲啞啞數日而出去尋復來取手中急縛口鼻亦被入積年無他病唯患頭重

異苑曰太元中汝南人伐竹見一竹中央蛇形已成上枝葉如故吳郡桐廬民嘗伐餘遺竹見一宿筍成雉頭頸盡就身猶未成此亦竹爲蛇也
又曰薪野蘇卷常與奴婢居野舍每至飯時輒有一物來其狀似蛇長七八尺五色光鮮卷異而飴之遂經數載產

業加焉奴後密打殺即得能食病日進三斛飯猶不爲飽少時而死

又曰丹陽鍾忠以元嘉冬月晨行見有一蛇長二尺許文色似青瑠璃頭有雙角白如玉忠感而畜之於是資業日登經年蛇自亡去忠及二子相繼殞斃此蛇來吉去凶其唯龍乎

又曰魯國牟縣蒙山上有寺廟今民欲架室者輒見大蛇數十丈出來驚人故莫得安焉

周景式廬山記曰安侯世高者安息國太子與友人共出家學道友人好恚怒死受蟒報爲此宮亭廟神世高於廣州爲人所殺還生安息國復爲王子年二十又棄國入吳之宮亭泊舡過呼友人與語友人身長數十丈見世高向之胡語竟各分去暮有一少年上世高舡跪受呪願因忽

不見世高語同舡人日向少年叩此廟神也得離惡形矣蟒既見世高從山南過苑山北今桑柴民所居蛇里是也幽冥錄曰會稽謝祖之婦初育一男又生一蛇長二尺許便逕出門去後數十年婦以老終祖忽聞西北有風雨之聲頃之見一蛇長十數丈腹可十餘圍入戶遶靈座因至柩所繞數匝以頭打柩目血淚俱出良久而去

又曰會稽郡東鄞音戀縣薛重得假還家夜戶閉聞妻床上有丈夫鼾聲喚妻久從床上出未及開戶垂持刀便逆問妻曰醉人是誰妻大驚愕因苦自申明實無人意垂家唯有一戶搜索了無所見見一大蛇隱在床腳酒臭重便斬蛇寸斷擲於後溝經數日而婦死又數日而重卒死經三日復生說始死有人楛將重到一官府見官寮問何以殺人重曰實不曾行內日寸斷擲在後溝此是何物重曰此

是蛇非人府君愕然而悟曰我常用為神而敢淫人婦又
 妄訟人勅左右召來吏卒乃領一人來著平巾幘具詰其
 淫妻之過將付獄重乃令人送還
 廣五行記曰晉吳興太守袁玄瑛嘗之官請郭璞筮吉州
 璞曰至官當有赤蛇為妖不可殺之後到府果有赤蛇在
 銅虎符函上蟠玄瑛家人搗殺之其後玄瑛為徐馥所害
 又曰晉安帝義熙末年殷仲文年十三父亡家有大牸有
 大蛇長丈或載其堂屋或拔其炊釜置地家人棄舍奔散
 唯仲文居喪如故然仲文後竟為宋高祖所戮
 又曰陳時吳興顧楷在田上樹取桑葉見五尺大蛇入一
 小穴其從蛇相次或三尺或五尺次第相隨略有數百楷
 急下樹看所入之處了不見有一孔日暮還家楷病口瘡
 不復得語

又曰東光人東方飛龍病甚夢化為大黑蛇以告其妻既
 死遂有大黑蛇入室上棟聞飛龍諸子將殺之其母曰此
 是爾父諸子不用母言遂殺之即日暴雨諸子皆震死極
 前
 唐景龍文館記曰興慶池者長安城東隅形勢之地也中
 多王侯第宅天后初有居人王純掘地獲黃金百斤致富
 官司聞之密加搜獲純懼投於井中縣官窺之見雙赤蛇
 仰首張吻遂不敢入純以此金當為己得復入井取之還
 見赤蛇赫然蟠屈純懼而出其夜井水涌溢漸成此池可
 廣百餘頃
 嶺表錄異曰南土有金蛇亦名錫蛇又名地鱗州土出黔
 中桂州亦有即不及黔南者其蛇鱗如大指長一尺許鱗
 甲上有金銀解毒之功不下吉利也

又曰蚺蛇大者五六丈圍四五尺以次者亦不下三四丈圍亦稱是身有斑文如故錦纈俚人云春夏多於山林中等鹿過則銜之自尾而吞唯頭角礙於口即深入林樹間闕其首伺鹿壞頭角墜地鹿身方嚙入腹如此後蛇極羸弱及其鹿消壯俊悅悍勇健於未食鹿者或云一年則食一鹿

又曰兩頭蛇嶺外多此類時有如小指大者長尺餘腹下鱗紅背錦文一頭有口眼一頭似頭而無口眼云兩頭俱能進退亦謬也昔孫叔敖見之不祥及殺而瘞之恐他人見復受其禍南人見之為常其禍安在

吳氏本草經曰蛇脫一名龍子單衣一名弓皮一名蛇附一名蛇筋一名龍皮一名龍單衣楚辭曰蝮蛇蓁蓁封孤千里

傅玄神蛇銘曰嘉茲靈蛇斷而能續飛不須翼行不假足揚雄客難曰獨不見翠蛇絳螭之將登天乎必聳身於蒼梧之淵階浮雲翼疾風而上

虺

毛詩鴻鴈斯干曰唯虺唯虺女子之祥

國語曰吳伐越越王請盟吳王將許之申胥申胥伍日不

可許大夫種勇以善謀將還玩吳國於股掌之上以婉辭

順志虺而弗剉為蛇將若之何吳王不聽乃許盟

搜神記曰陳留阮士瑀傷於虺不忍其痛數嗅其瘡已而

虺成於鼻中

任昉述異記曰虺五百年化為蛟蛟千年化為龍龍五百

年而為角龍又千年為應龍○楚辭曰雄虺九首儻忽焉

在

春秋運斗樞曰四方煩擾小民失恩虎銜魚

爾雅曰魚有方者徽強大多力魚枕謂之丁枕在魚頭骨

丁字可魚腸謂之乙魚尾謂之丙此皆似篆書字因以名

魚之骨體盡似丙焉禮記曰魚去乙然則

史記周本紀曰武王渡河中流白魚躍入舡中武王俯取

以燎之

漢書曰陳勝吳廣為屯長領兵戍漁陽舉大計威兵士以

丹書帛曰陳勝王置所罾人魚腹中兵買魚見書

東觀漢記曰世祖率鄧禹等擊王郎橫野將軍劉奉大破

之上過禹營禹進炙魚上飡啗勞勉士吏威嚴甚厲衆皆

竊言劉公真人也

謝承後漢書曰會稽陳囂少時於郭外水邊捕魚人有盜

取之者囂見避之草中追以魚遺之盜慙不受自是無復

盜其魚書曰則帝太歲二平幸華林園天賜白魚入

後漢書曰羊續為南陽太守府丞嘗獻其生魚續受而懸

於庭丞後又進之續乃出所懸者以杜其意

魏志曰黃初六年帝東征吳文德郭后留譙時后從兄弟

欲遊水取魚后曰今奉車所不足豈此魚乎

吳志曰孫權時謠云寧飲建鄴水不食武昌魚寧還建鄴

死不止武昌居

晉書曰王延性仁孝繼母卜氏嘗盛冬思生魚勅延求而

不獲杖之流血延尋泐叩凌而哭忽有一魚長五尺躍出

水上延取以進母卜氏食之積日不盡於是心悟撫延如

已生

又曰五部單于左賢王劉豹妻呼延氏魏嘉平中祈子於

龍門俄而有一大魚頂有三角軒鬚躍鱗而至祭所久之

而去巫覡皆異之曰此嘉祥也其夜夢且所見魚變爲人
左手把一物大如半鷄子光景非常授呼延曰此是日精
服之生貴子寤而告豹豹曰吉徵也自是十三月而生元
海王感其德以蠶絲小丸食之蘇其不盡飲其小滑麻或
又以錢唐杜子恭有秘術嘗就人借瓜刀其主求之恭曰當
卽相還耳既而刀主至嘉興有魚躍入缸中被魚得瓜刀
又曰吳隱之爲廣州刺史帳下人進魚每剔去骨存肉隱
之覺其用意苛而黜焉又曰東晉太常卿謝安嘗食魚
宋書曰王弘之性好釣止虞江有一處名三石頭弘之常
垂綸於此經過者不識之或問魚師得魚賣不弘之曰亦
不得得亦不賣日夕載魚入上虞郭經親故各以一兩頭
置門而去

沉約宋書曰明帝太始二年幸華林園天淵池白魚躍入

御舟

齊書曰中興元年義師下未至竟陵三十里魚長三尺躍
入御舟中

梁書曰張昭字德明幼有孝性父渙常患消渴嗜鮮魚昭
乃身自結網捕魚以供朝夕
又曰王固嘗聘魏因晏饗昆明池魏人以南人嗜魚大設
罟網固以佛法呪之遂一鱗不獲
崔鴻十六國春秋前涼錄曰金城太守胡勗叛張軌遣都
護宗毅治中令狐瀏討之濟河中流白魚入缸瀏曰魚鱗
物虜必解甲歸我矣勗請降軌宥之
後魏書曰高祖幸清微堂因之流化池高祖曰此池中亦
有佳魚任城王澄曰此所謂魚在在藻有頌其首高祖曰
且取王在靈沼於勃魚躍

北史曰陸政性至孝其母吳人好食魚北土魚少政求之嘗苦難得後宅忽有泉出而魚遂得以供膳時人因謂其泉為孝泉

隋書曰虞孝仁性奢華常以駱馳負兩盛水養魚而自給又曰大業中納言楊達言於遼水造御舟有白魚躍入舟內○又曰乞伏慧為潭桂二州總管其俗輕剽慧躬行朴素以矯之風化大洽曾見人以簋音賽捕魚者出縮買而放之

唐書曰真臘國地饒瘴癘毒蠶音適海中大魚半出望之如山又曰太宗幸蒲州刺史趙元楷課父老服黃紗單衣迎謁路左又潛飼羊百餘口魚數百頭將餽貴戚太宗知而數之

又曰太宗觀漁於西宮見魚躍焉問其故漁者曰此當乳

也於是中網而止

又曰開元二十一年衢州獲魚有銘獻之侍中裴光庭等

奏曰魚龍為圖河洛所出比之盛明彼何足云水則龍

又曰吐蕃國在吐谷渾西界其春夏軍糧資海魚以給之

國語曰周文太子發嗜鮑魚太公為其傅曰鮑魚不登俎

豆豈有非禮而可養太子

老子曰魚不可脫於淵國之利器不可以示人

文子曰川廣者魚大山高者獸脩故魚不可以無餌釣獸

不可以空器召

又曰因所貴而貴之物無不貴因所賤而賤之物無不賤

故不放魚於木沈鳥於淵

鄧析書曰夫水濁則無掉尾之魚政苛則無逸樂之士

列子曰八紘之北有溟海魚廣千里其長稱焉

孟子曰有餽生魚於子產子產使校人畜之池反命曰始舍之圉圉焉少則洋洋焉子產曰得其所哉校人曰孰謂子產智吾既烹而食之矣

又曰故為淵鰈魚者鰈也為叢鵒雀者鷓也魯連子曰古善魚者宿沙習子使魚生於山則雖十宿沙不得一魚焉宿沙非闢於魚道者彼山非魚之所生也莊子曰泉涸魚相與處於陸相煦以濕相濡以沫不如相忘於江湖也

又曰莊子與惠子遊於濠梁之上莊子曰儵出遊從容是魚之樂也惠子曰子非魚安知魚之樂莊子曰子非我安知我不知魚之樂也○又曰吞舟之魚蕩而失水則螻蟻能制之故鳥飛不厭高魚鱉不厭深又曰朽瓜化為魚物之變也

又曰任公子蹲會稽釣東海其年而大魚食之公子得若魚浙河以東蒼梧以北無不厭若魚者

又曰井魚不可薶海夏蟲不可語冰

符子曰太公涓釣於隱溪五十有六年未嘗得一魚魯連聞而觀焉太公涓跪於隱崖不餌而釣仰咏俯吟暮則釋竿其膝所處之石皆若曰其跼觸崖若路魯連曰釣所本以在魚無魚何釣太公曰不見康王父之釣耶念蓬萊釣巨海摧岸投綸五百年矣未嘗得一魚方吾猶一朝顧子曰昔宋人臨萬仞之淵釣數寸之鱗魚將食釣不知膝之自進有頃墮而死利能誘也

韓子曰公儀休相魯而嗜魚一邦皆爭買魚而獻之公儀子不受曰夫唯嗜魚固不受也淮南子曰夫水濁則魚噉政苛則民亂

又曰火上尋水下流故鳥動而高魚動而下

又曰上求材臣殘木上求魚臣乾谷

又曰欲致魚者先通水欲致鳥者先樹木水積而魚聚木茂而鳥集

又曰林中不賣薪湖上不鬻魚有所餘也

又曰狙之先生魚豆之先泰羹此皆不快於耳目不適於

口腹而先王貴之先本後末也

又曰使葉落者風播之使水濁者魚撓之

又曰惠子從車百乘以過孟諸莊子見之而棄餘魚疾惠子故也

又曰日月者陰之宗是以月毀則魚腦滅

又曰楚王亡其援而林木為之殘援蹠捷依木而更宋君故殘林以求之也

亡其珠而池魚為之殫殫盡也

又曰為魚德者非挈而入淵為援賜者非負而緣木縱其所之而已

又曰畜池魚者必去獮音編獮養禽獸者必去豺狼

又曰臨河羨魚不若歸家織網羨願也

又曰爭魚者濡逐獸者趨非樂之也故至言去言至為無為

又曰故天之且風草木未動而鳥已翔矣鳥巢知風也其且雨

也陰曠未集而魚已噦矣魚潛知雨也

又曰耀蟬者務在明其火釣魚者務在芳其餌明其火者

所以耀而致之也芳其餌者所以誘而利之也

又曰季子治亶父三年季子賤而巫馬期衣短褐易容貌往

觀化焉易服而往微見夜漁者釋之巫馬期問焉曰凡子

所為漁者欲得也今得而釋之何也漁者對曰季子不欲

人取小魚也所得者小魚是以釋之巫馬期歸以報孔子
曰季子之德至矣
抱朴子曰取一把礬丸內一活魚口與無藥者俱投沸膏
中猛火之上其銜藥者浮戲魚魚不死
又曰丹陽水有丹魚先夏至十日夜伺之魚先浮水側赤
光上照取此魚血以塗足可以步行水上
金樓子曰專諸學炙魚香聞數里王僚索魚炙專諸持一
利剛刀藏著魚腹中

晏子春秋曰景公射質堂上唱善者一口弦章人公曰吾
失晏子未嘗聞吾不善章曰臣聞君好臣服君嗜臣食尺
蠖食黃身黃食蒼身蒼君其食諂人言乎公曰善賜弦章
魚五十乘弦章歸魚車塞途章撫其僕曰曩之唱善者皆
欲此魚也固辭不受而人聞之

戰國策曰靖郭君將城薛齊人有請一言者靖郭君見之
趨進曰海大魚因反走君使更言之曰海大魚網不能止
釣不能牽蕩而失水則螻蟻得意今齊亦君之水也靖郭
君乃止
又曰魏王與龍陽君共舡而釣龍陽君得十餘魚而涕下
曰臣之始得魚也臣甚嘉之後得大者令臣且欲棄前所
得者今以臣之凶惡也而得為王拂枕席夫四海之內其
美人亦甚多聞臣之得幸於王也畢褰裳而趨王視臣亦
彘臣之所棄魚也王於是令四境之內有敢言美人者族
家語曰孔子之楚有漁者獻魚孔子不受漁者曰天暑市
遠無所醫之思慮棄之糞壤不若獻之君子孔子乃再拜
而受掃地祭之
呂氏春秋曰竭澤而漁豈不得魚而明年無魚焚藪而畋

豈不得獸而明年無獸

又曰善釣者出魚于十仞之下餌香也善弋者下鳥千百仞之上弓良也

又曰宋相司馬有寶珠抵罪出亡宋王問珠之所在曰投之池中於是竭池取珠魚皆死矣

吳越春秋曰越王既棲會稽范蠡等曰臣竊見會稽之山有魚池上下二處水中有三江四瀆之流九溪六谷之廣上池宜於君王下池宜於民臣畜魚三年其利可以致千萬越國當富盈

新序曰楚人有獻魚於楚王者曰今日漁獲食之不盡賣之不售棄之又惜故來獻之左右曰鄙哉辭也楚王曰子不知漁者仁人也蓋聞困倉粟有餘者國有饑民後宮多幽女者下民多曠夫餘衍之蓄聚於府庫者境內多貧乏

之民皆失君之道故庖有肥肉廄有肥馬民有饑色亡國之君藏於府庫寡人聞之久矣未能行也漁者知之其以喻寡人也且今行之矣於是乃遣使恤鰥寡故漁者獻餘魚而楚國賴之

風俗通曰城門失火禍及池中魚俗說池中魚人姓字居近城門城失火延及其家謹案百家書宋城門失火以汲取池中水以沃灌之池中空竭魚悉露死喻惡之滋并中傷重謹也

又曰伯魚之生適有饋孔子魚者嘉以爲瑞故名鯉字伯魚論衡曰釣者刻木爲魚丹漆其身迎水浮之水動作魚似真魚並來會聚土龍之象何必不能致雨耶又曰彭蠡之濱以魚食犬

顏氏家訓曰山中人不信有大魚大如木海上人不信有大木大如魚
 又曰江陵高偉隨顏之推入齊賊凡數年向幽州淀中捕魚後病見群魚嚙之而死○三輔故事曰武帝作昆明池學水戰法後昭帝小不能復征討於池中養魚以給諸陵祠餘付長安市魚乃賤
 先賢傳曰蔡君仲至孝母喪居墓側天且下神魚四頭置墓前以祭
 蕭廣濟孝子傳曰巴郡杜孝後在成都母喜食生魚孝於官得生鮮截竹銅盛魚一頭置江中妻得之笑曰是我婿寄乃以進母○又曰陳玄陳太子也後母譖之陳侯令自投遼水魚負之以出玄曰我罪人也故求死耳魚乃去
 西京雜記曰昆明池刻石為魚每雷雨魚嘗鳴吼鬚尾皆

動漢代祈雨往往有驗

又曰昔人有東海遊者隨風浪莫知所之一日一夜得一孤洲共侶歡然下石植纜登洲煮食食未熟而洲沒在舡者斫纜舡復飄蕩向者孤洲大魚也怒掉揚鬚吹波吐浪去疾風雲在洲上凡者十餘人
 神仙傳曰葛玄見賣大魚者玄謂曰躉煩此魚到河伯處魚主曰魚已死玄曰無苦乃以丹書紙內魚口中擲水中魚有頃魚還躍上岸得書青黑如木葉又與吳王坐樓上見作請雨社人玄曰雨易得耳即書符着社中一時之間大雨流潦帝口水中有魚乎玄復書符擲水中須臾有大魚數百頭使人治食之
 水經曰魚復溪中有魚其頭似羊豐肉少骨美於餘魚
 又曰扶南國有鮮色魚黑身長五丈頭如馬首伺人入水

盛弘之荊州記曰長沙湖鄉連水邊有石魚形若鯉相重
杳如雲母炙之作魚腥發其山發其入將三十里後
林邑國記曰飛魚翼如蟬飛則凌雲沈泳海底
王子年拾遺錄曰瀛洲一名魂洲亦曰環洲有洞淵廣千
里有魚身長千丈鱗色爛編鼻有角時鼓舞戲或有遠而
望者見水間有五色雲上就而視之乃此魚噴水爲雲也
又曰夏鯨治水無功沈於羽淵化爲玄魚大千丈後遂死
橫於河海之間後世聖人以魚爲神化之物以玄字合於
魚爲鮪字

崔豹古今注曰水君狀如人乘馬衆魚導從一名魚伯大
水有之漢末有人於河際見之人馬皆有鱗甲如大鯉魚
但手足別具目鼻與人不殊見人良久入水而沒
博物志曰吳王江行食膾有餘棄於江中流化而爲魚今

江中有名吳王餘鱠魚者長四寸大者如箸猶作鱠形
嶺南異物志曰南方嘗晴望海中二山如黛海人云去岸
兩廂各六百里一旦暴風雷雨霧露皆腥雜以泥濘七日
方已屬有人從山來說云大魚因鳴吼吹沫其一鯁掛山
巔七日山爲之折不能去鳴聲爲雷氣爲風涎沫爲霧
又曰海中所生魚蜃置陰處有光初見之以爲怪異土人
嘗推其義蓋鹹水所生海水中遇陰晦波如燃火滿海以
物擊之迸散如星

嶺表錄異曰新瀧等州山田揀荒平處以鋤鋤開爲町疇
伺春雨丘中貯水卽先買鯢魚子散於田內一二年後魚
兒長大食草根並盡既爲熟田又收魚利及種稻且無稗
草乃齊民之上術也

異苑曰永嘉有人斷水捕魚宰牲祈祭了無所獲將棄罷

之其夕夢見老公云諸君何不少停夜聞狝聲驚起共看
 乃是大魚剉以為鮓頓得百薄故因以百薄為瀨水
 述異記曰相冲為江州遣人周行廬山見一湖中有赤鱗
 魚使者欲飲水魚張鬚向之乃不敢飲
 又曰關中有金魚神云周平王二年十旬不雨遣祭天神
 俄而生湧泉魚躍出而降雨
 幽明錄曰成彪兄喪哀悼結氣晝夜哭泣後釣於澤經所
 共飲齟釋綸悲感有大魚跳入舡中俯視諸小魚彪仰天
 號慟俛而見之悉放小魚大者便自出舡去
 搜神記曰宮亭湖孤石廟有估客下都經其下見二女子
 云可為買兩量絲履自厚相報估客至都市好絲履并箱
 盛之自市一書刀亦在箱中既還以箱置廟中而去忘取
 書湖中正帆忽有鯉魚跳入舡破魚得書刀焉

廣五行記曰唐儀鳳元年博州僧正滿行同凡俗買魚數
 頭於房作鱠食之至夜四更忽聞窻外有暴風聲乃夢一
 佛二金剛語滿云爾是何物小兒將穢汚伽藍金剛手執
 棒滿閉目因而兩日不開矣
 又曰曹宋二州西界大劑陂村人陳君少小為捕魚業於
 後得患恒被眾魚所食痛苦不能自持若以魚網蓋之其
 痛即止後為村人盜其網去數日之間不勝痛苦而死
 樂府歌曰江南可採蓮蓮葉何田田魚戲蓮葉閒魚戲蓮
 葉東魚戲蓮葉西
 宋玉對問曰夫鳥則有鳳魚則有鯨鯨魚朝發崑崙之墟
 暴鬚於碣石夕宿於孟諸夫尺澤之鯢豈能與量江海之
 大哉

曹植答崔文始書曰臨江以釣不獲一鱗非江魚之不食其所餌之者非也是以君子慎舉擢

鯉魚

河圖曰黃帝遊於洛見鯉魚長三尺青身無鱗赤文成字毛詩宛丘衡門曰豈其食魚必河之鯉又臣工潛曰鱗鱗

鯉鱗音

東觀漢記曰姜詩字士遊性至孝母常飲江水兒取水溺死恐母知詐云行學俄而涌泉出舍側并出鯉一雙

謝承後漢書曰羊續好食生魚為南陽太守丞侯儉貢鯉續受而懸之一歲儉復致一枚續乃以所懸枯魚以示儉終身不復食魚

晉書曰王祥性至孝早喪親繼母朱氏不慈數譖之由是失愛於父母有疾衣不解帶湯藥必親嘗母欲生魚時天

寒水凍祥解衣將剖冰求之冰忽自解雙鯉躍出持之而歸○又曰劉聰將趙深為索綝所敗殺其長史魯徽劉曜

聞之曰躡潛不容尺鯉深之謂也齊書曰崔祖思自相國從事中郎遷齊國內史高帝既為

齊王置酒為樂羹膾既至祖思曰此味故為南北所推侍中沉季文曰羹膾食非祖思所解祖思曰鼈鯉似非勾

吳之詩又季曰千里尊羹豈關魯衛帝甚悅曰尊羹故應還沈

南史曰梁南郡太守劉之亨嘗夢二人姓李詣之乞命未之解也其明日仲夏有遺生鯉魚二頭之亨曰必夢中所

感也乃放之其夜又夢來謝恩云當令君延筭淮南子曰詹公之釣十歲之鯉

又曰牛蹄之踵無盈人之鯉

睡牛

得道善釣者

四

鯉魚

符子曰務光自投盧盧川之伯以赤鯉送之

金樓子曰五尺之鯉一寸之鯉但大小殊鱗之數等

家語曰孔子娶于宋开官氏女一歲而生伯魚伯魚生三

日魯昭公以鯉魚賜孔子孔子榮君之貺因名子曰鯉字

伯魚

曹植辨道論曰甘始言取鯉魚一雙令一者含藥俱投沸

膏中有藥者奮尾鼓鱗遊行沉浮有若趣淵其一者已熟

而可噉余時問言可試不言是藥去此踰萬里非自行不

能得也

博物志同

陶朱公養魚經曰威王聘朱公問之曰公住足千萬家累

億金何術乎朱公曰夫治生之法有五水畜第一所謂水

畜者魚也以六畝地為池池中有九洲即求懷子鯉魚長

三尺者二十頭壯鯉四頭以二月上旬庚日內池水中令

無聲魚必生所以養鯉者不相食易長又貴也

魏武四時食制曰鄆縣子魚黃鱗赤尾出稻田可以為醬

列仙傳曰呂尚釣於磻溪三年不獲比周日可止矣尚曰

非爾所及果得大鯉有兵鈐在腹中

又曰涓子齊人也好餌术接食其精至三百年乃見於齊

著天地人經四十八篇後釣於河澤得鯉魚腸中符隱於

宕山能致風雨

又曰琴高趙人也以鼓琴為宋康王舍人行涓彭之術浮

游冀州涿郡間二百餘年後辭入涿水中取龍子與諸弟

子期之期曰皆潔齊後於水旁設祠屋果乘赤鯉來出祠

中且有萬人觀之留一月復入水去

又曰子英者舒鄉人也善入水捕魚得赤鯉魚愛其色持

著魚池中數以米穀食之一年長丈餘遂生角有翅翼子

英怪畏拜謝之魚言我迎汝耳上我背與汝俱去即大暴
雨子英上騰去歲歲來歸故舍食欲見妻子魚復來迎之
如此七年故吳中門戶作神魚子英祠

續述征記曰梁孝王家中有數尺水有大鯉人謂有靈不敢犯

宣城記曰臨城縣蓋山有舒姑泉相傳云昔舒氏女未嫁
與其父採薪此女坐側化為清泉其母云此女好音樂乃
往絃歌而泉涌有朱鯉一雙及命作樂泉故涌出
河洛記曰諺云伊洛魴鯉天下最美洛口黃魚天下不如
崔豹古今注曰兗州人謂赤鯉為玄駒白鯉為白驥黃鯉
為黃雉

搜神記曰宮亭孤石有估客至都因市一刀置神廟中而
忘取至湖中忽有一鯉跳入舡破之得刀具魚部中

續搜神記曰謝允從武當山還在和宜武座言及左元放
為曹公置鱸魚允便云此可得耳求大瓮盛水朱書符投
水中俄有二鯉鼓鬚在水中

又曰會稽鄞音懋縣有女子姓吳字望子為蘇侯神所愛望
子心有所欲輒空中下之望子嘗思鱸一雙鮮鯉應心而
至

幽明錄曰孫權時南戶遣吏獻犀簪吏過宮亭廟請福神
下教求簪而盛簪器使在神前神云歸入石頭當相還去
達石頭三尺鯉魚跳入舡吏破魚得之

又曰平都縣南陂上有冢行人於陂取得鯉道逢冢中人
來云何敢取吾魚奪着車上而去

杜寶大業拾遺錄曰四年梁郡有清冷淵水面闊二里許
即甯平得大龜之處清冷水南有橫瀆東南至岩山縣西

北入通濟渠是時大雨溝渠皆滿忽有大魚似鯉而頭一角長尺餘鱗正赤從清冷水出頭長三尺許入橫瀆逆流西北十餘里不沒入通濟渠于時夾兩岸隨看者數百人皆謂赤龍大鯉從淵而出此亦唐祚將興之兆

楊銜之洛陽伽藍記曰京師語曰伊洛鯉魴貴於牛羊廣五行記曰隋煬帝大業初為詩令宮人唱之曰三月三日向江頭正見鯉魚江上游意欲垂釣往撩取恐是蛟龍還復休鯉魚即唐之國姓俄而唐有天下古歌辭曰客從遠方來贈我雙鯉魚呼兒烹鯉魚中有尺素書

古歌寧戚辭曰中有鯉魚長尺半弊布衣裳不覆骨

鯉魚

爾雅曰鷗

今鯉額白魚音似

毛詩鹿鳴魚麗

曰魚麗于罍

鯉鯉

鯉也

謝承後漢書曰陳蕃為郡法曹吏正月朝見太守王龔客有貢白魚於龔者龔曰汝南乃有此魚蕃曰魚大且明府之德

晉書曰夏統字仲御母病請洛市藥會三月上巳洛中王公已下並至浮橋統並弗之顧太尉賈充怪而問之曰卿居海濱頗能水戲乎荅曰可乃操楫正櫓折旋中流於是風波振駭俄而白魚跳入舡中者有八九觀者皆悚遽

酈善長水經注曰聖水出上谷東南流經大坊嶺下嶺之東首山下有石穴東北洞開穴中有水者舊傳言昔有沙門釋惠球者常尋之旁水入穴三里有餘穴分為二一穴漸小西北出不知趣詣一穴西南出入經五六日方還又不測短長其水夏冷冬溫春秋有白魚出穴數日及人有採食者美珍常味蓋亦內穴嘉魚之類

列仙傳曰陵陽子明釣於溪得白龍子明解釣謝之後數十年得白魚腹中有書教子明服食之法三年白龍來迎之

鱣魚

毛詩谷風四月日匪鱣匪鮪潛逃于淵

毛詩義疏曰鱣身似龍銳頭口在額下背上腹下皆有甲

大者千餘斤

後漢書曰楊震常客居湖城眾人謂之晚暮震志愈篤後

有冠雀銜三鱣魚飛集講堂前冠音貫即都講取魚進曰

地鱣者卿大夫服之象也數三者法三台先生自此升矣

淮南子曰牛蹄之涔不生鱣鯉

抱朴子曰探鸞窠而求鳳卵搜井底而捕鱣魚雖加至勤非其所有也

水經曰漢水又東為鱣湍洪波奔盪崩浪雲頽者舊言有

鱣魚奮鱗迴流望濤自土至此則爆颯失濟故因名湍矣

又曰鱣鮪鯉也出鞏穴三月則上渡龍門得渡為龍矣否

則點額而還

張衡西涼賦曰鱣鮪鯉鯢

郭璞江賦曰魚則叔鮪王鱣

孫綽望海賦曰文鯉黃鱣

爾雅曰鮪音蘇叔鮪鮪屬也大者名王鮪小者名蘇鮪

鮪之魚有十魚狀似鮪而小建今宜都郡自荆門以上江中通出鮪

毛詩淇澳碩大曰施罟濊濊鱣鮪發發

毛詩義疏曰鮪魚出海三月從河上形似鯉而色青馬頭

小而尖如鐵兜鍪口在額下今東萊遼東人謂之尉魚或

謂仲明魚仲明者樂浪尉溺死海中化為此魚也

禮記月令曰季春薦鮪於寢廟進時

淮南子曰夫牛蹄之涔不生鱸鮪

又曰禹決江疏河鑿龍門辟伊闕龍門本有水門鮪魚便其中上行得上過者由

為龍門禹辟而大之故言鑿

抱朴子曰寸鮪汎濫蹄水之中則謂天下無四海之廣也

芒蜴宛轉菓核之內則謂八極之界盡於茲也

博物志曰河陰峭穴出鮪魚焉

鮪魚反鮪武巨魚

魏武四時食制曰鱮一名黃魚大數百斤骨軟可食出江

陽隄為

淮南子曰季春天子始乘舟薦鮪於寢廟乃為麥祈實鮪

鮪魚也天子乘舟捕魚者以薦進廟也

司馬相如上林賦曰鮪鱮漸離

左思吳都賦曰筌鱮鮪

太平御覽卷第九百三十六

太平御覽卷第九百三十七
魚部九

太平御覽卷第九百三十七

鱗介部九

魴魚

鱖魚

鯪魚

魴魚

鱈魚

鮒魚

鮓魚

鱖魚

鱒魚

鱧魚

鮒魚

嘉魚

鱮魚

鯪魚

鱸魚

鱈魚

鱖魚

鮒魚

鮓魚

鱖魚

魴魚

鱈魚

爾雅曰魴鮒郭璞注曰江東呼魴為鮒一名鮒音毗

山海經曰大鰻居海中鞭即魴也音鱖

毛詩宛丘衡門曰豈其食魚必河之魴

又關雎汝墳曰魴魚鱣尾王室如燬

又七月九罭曰九罭之魚鱣魴

陸機毛詩義疏曰魴鰈今伊洛濟潁魴魚也廣而薄肥甜

何敬祖詩曰屬耳聽鳴鶯流目玩儵魚

爾雅曰鮒鮒而有點文也汝隨二音

毛詩魚麗曰魚麗于罾鱮鮒也

廣志曰吹沙魚大如指沙中行

毛詩曰魚麗罾鱮鮒音常

毛詩義疏曰鱮一名揚今黃頰魚是身形厚而長大頰骨

正黃

鮒魚

周易井卦曰井谷射鮒王肅注曰鮒小魚也

廣雅曰鱮鮒也

莊子曰莊周家貧往貸粟於監何侯侯曰我將得邑金貸

子二百金可乎莊周忿然曰周昨來有中道而呼者周視

車轍中有鮒魚焉曰我東海之波臣也君豈有升斗之水

而活我哉周曰諾我且南遊吳越之王激西江之水而迎

之可乎鮒魚忿然作色曰吾得升斗之水可活耳君乃言

此不如早索我於枯魚之肆

又曰夫揚竿累趣灌竇守鯢鮒其於得大魚難矣

呂氏春秋曰魚之美者有洞庭之鮒

說苑曰魏楚會於晉陽將以伐齊齊王患之使人召淳于

髡曰魏楚欲伐齊願先生共寡人憂之髡曰臣見隣人之

盛弘之荆州記曰荆有美鮒踰於洞庭温湖

古樂府罩辭曰罩初何得端來得鮒小者如手大者如履
孝子持歸遺我公媪安得此魚適與罩迂從今以後但當
求鮒

劉邵七華曰洞庭之鮒出于江岷弘腴青顛朱尾碧鱗

爾雅曰鮒別名鯪江東通呼鮒為鯪鮒音提

廣雅曰鯪音提鯪音鮒也

魏武四時食制曰烝鮒

永嘉郡記曰涿湖溪中多大鮒昔有流得一死者鬚大五
六圍

廣五行記曰則天如意中著作郎路敬淳疾在濟源有水
碾一柱壞以他柱易之家人取故者為樵中得一鮒魚長

尺餘尚活至後敬淳坐綦連輝被殺

廣志曰鱧魚似鮒大口

鱧魚

爾雅曰鮒音鮒才損切似鮒子

毛詩九罭曰九罭之魚鱧魚也

毛詩疏義曰鱧魚鱗細於鮒也赤眼多細文

唐書曰吐蕃國有臧河去邏些三百里東南流衆水湊焉

南入崑崙國其中有魚似鱧而無鱗

張衡七辨曰鞏洛之鱧割以為鮓分芒折縷細亂蚩足

爾雅曰鱧郭璞注曰鱧鮒也

毛詩魚麗曰魚麗于罟鮓鱧魚也

陸璣毛詩疏義曰魴鱧尔雅曰鱧音同也許以爲鯉魚璣以爲鯉狹而厚

梁書曰林邑王逸死奴文本篡立文本曰南西捲縣夷帥范幼家奴常牧牛於山澗得鱧魚二而化爲鐵因以鑄刀刃成文向石呪曰若斫石入者文當王此國因斫如斷芻藁文心異之范幼常仗之商賈至林邑王作宮室及兵車器械王寵任之後乃讒言諸子各奔餘國及王死無嗣文僞於憐國迺王子置毒於漿中殺之遂脅國人自立林邑國記曰范文得鱧魚變爲鐵斫石如斬蘆世傳魚刀

鯽魚

水經曰青林湖有鯽魚食之肥美辟寒暑

南夷志曰蒙舍地有鯽魚大者重五斤西沮河及昆池南接滇池冬月多鯽魚

楊銜之洛陽伽藍記曰王肅初入國不食羊肉及酪等常飯鯽魚羹

嘉魚

水經曰丙穴出嘉魚常以三月出十月入穴口廣五六尺去地七八尺水泉懸注魚自穴下透入水穴口向丙故曰丙穴

任豫益州記曰嘉魚細鱗似鱒魚蜀中謂之拙魚蜀郡山處處有之年年從石孔出大者五六尺雲南記曰雅州丙穴出嘉魚所謂嘉魚生於丙穴大抵雅州諸水多有嘉魚似鯉而鱗細或云黃河中味魚此類也博物志曰江陽縣北有魚穴二所常以二月八月出魚曰丙穴

嶺表錄異曰嘉魚形如鱒出梧州戎城縣江水口甚肥美

衆魚莫可與比最宜爲鮠他頂每炙以芭蕉葉隔火蓋慮

脂滴火滅耳河陽有鮠魚亦此類左思蜀都賦曰嘉魚出於丙穴丙地名有魚穴三所

異物志曰鱧魚仲夏始從海中泝流而上腹下如刀長尺

餘有細骨如鳥毛在肉中又有鳥腎在腹立夏有白鳥似

鷺群飛謂之鱧烏至仲夏鳥藏魚出變化所生也

鱧魚音

爾雅曰鰲鱧刀今之鱧魚也亦呼爲鰲魚列蔑二音

山海經曰浮玉之山山北望具區若水出于其陰其中多

鱧魚郭璞注曰鱧魚狹薄而長鬚一名刀魚大湖中饒

異苑曰蝴蝶變作鱧

鱧魚

後漢書曰左慈字元放曾在曹操座操曰恨少吳松江鱧魚耳慈因求銅盤貯水以竹竿釣於盤中須臾引一鱧出操曰一魚不周乃更沉釣復引出皆長三尺餘操使目前膾之

世說曰張季鷹爲齊王掾在洛水秋風起因思吳中菰米羹鱧魚膾遂命駕便歸俄而齊王敗時人以爲見穢杜寶大業拾遺錄曰六年吳郡獻松江鱧魚乾繪鱧魚肉白如雪不腥所謂金齏玉鱠東南之佳味也

鱧魚

神仙傳曰介象與吳王共論鱧魚爲上乃於殿前作方坎汲水滿之并求釣起餌之須臾得鱧魚王驚喜乃使膾之異物志曰鱧魚長者六七尺嶺表錄異曰跳鮠乃海味之小魚鮠也以鹽藏鱧魚兒一

斤不啻千箇生擘點醋下酒甚有美味余遂問躑名之義
則曰捕魚者中春於高處卓望魚兒來如陣雲闊二三百
步厚亦相似者既見報漁師遂將舡爭前而迎之舡衝魚
陣不施罟網但魚兒自驚跳入舡逡巡而滿以此為鯁故
名之跳又云船去之時不可當魚陣之中恐魚多壓沈故
也即可以知其多矣

鱣魚與鮠同音善

山海經曰大樂之野夏后啓於此舞九代焉女戚在其北
居雨水閒戚操魚鮠鮠魚屬也祭操俎也內机

汲冢周書王會曰甌人鱣鮠鮠順食之美東越甌人也此交州地特多為

謝承後漢書曰楊震常客於湖不荅州郡禮命數十年衆
人謂之晚暮而震志愈篤後有鸛雀銜三鱣魚飛集講堂

前都講取魚進曰蛇鱣者卿大夫服之象也數三者法三
台也先生自此升矣時年過五十乃始仕州郡

梁書曰邵陵王綸攝南徐州事邀遊市里雜於廝隸嘗問
賣鮠者曰刺史何如對者言蹠虐綸怒令吞鮠以死百姓

惶駭道路以目

淮南子曰今鱣之與蛇蠶之與蠋狀相類而愛憎異人愛
蠶畏蛇與蠋故曰異也

抱朴子曰田地既有自然之鱣而有苻莖芩根土龍之屬
化為鱣

韓子曰鮠似蛇而漁者取鮠而畏蛇利之所在皆為賈育
顏氏家訓曰江陵劉氏以賣鱣羹為業後生一兒頭目是
鱣自頸已下方為人耳

又曰後漢書云鸛雀銜三鱣魚音善多假借為鱣鮠之鱣俗

之學士因謂爲鱣魚按魏武帝四時食制鱣魚大如五升
奩長一丈郭璞注爾雅云鱣長二三尺安有鶴雀能勝其
一者況三頭乎鱣又純灰色無文章也鱣魚長者不過三
尺大者不過三指黃地黑文故都講云虵鱣卿大夫服之
象也續漢記及搜神記亦說此事皆作鱣字孫卿云魚鼈
鱣鱣及鱣非說苑皆曰鱣似虵蠶似蠋並作鱣字假鱣爲
鱣其來久乎

周處風土記曰陽羨俗五月以薤蒸鮓而食凡鮓魚夏出
冬蟄亦以膾氣養和實時節也

徐衷南方草物狀曰白鱣生溪邊土穴中長五尺所大三
寸里民刺取細擢二寸苦酒煮食之滋味如黃鱣味交阯
九真有之

劉敬叔異苑曰盧循以義熙五年自廣州下泊航江西衆

多疲死事平之後人往蔡州見死人髮變而爲鱣今上鎮
西參軍與府司馬張逝瞻湖際有一棺棺頭有鱣衆試令
撥看卽是髮亦有未都化者一說云生以秬潘沐死則髮
爲鮓又昔有人食不能無鮓死後改棺鮓滿中

又曰會稽石亭壙有大楓樹中空每雨水輒滿溢有商旅
載生鮓聊放一頭着孔中以爲狡獪後村民咸謂是神乃
依樹起屋宰牲祭祀未嘗輟因遂名鮓父廟人有祈請及
穢慢禍福立至估客後返見其如此卽取作臠於是遂絕

太平御覽卷第九百三十七

擊九千里翱翔乎窈冥之上夫藩籬之鷄豈能與料天地之高哉鯨魚朝發於崑崙之墟暮宿於孟津赤澤之鯢豈能與量江漢之大哉故非獨鳥有鳳而魚有鯨士亦有之唐書曰開元七年大拂涅靺鞨獻鯨鯢睛

淮南子曰麒麟闕則日月食鯨魚死而彗星出鯨海中魚之王也

鄧析書曰獵猛虎者不於後園釣鯨鯢者不於清池何則

園非虎處池非鯨淵文子

說苑曰昔南瑕子過程本子程本子為之烹鯢魚南瑕子曰吾聞君子不食鯢魚程本子曰乃君子不食子何事焉

南瑕子曰吾聞上比所以廣德也下比所以狹行也比於善自進之階也比於惡自退之源也

魏武四時食制曰東海有大魚如山長五六里謂之鯨鯢

次有如屋者時死岸上膏流九頃其鬚長一丈廣三尺厚

六寸瞳子如三升椀大骨可為方曰

廣志曰鯢魚聲如小兒有四足形如鱧出伊水也司馬遷

謂之人魚故其著史記曰始皇帝之葬也以人魚之膏為

其燭也徐廣曰人魚似鮎而四足即鯢魚也

崔豹古今注曰鯨海魚也大者長千里小者數千丈一生

數萬子常以五月六月就岸邊生子至七八月導引其子

還入海中鼓浪成雷噴沫成雨水族驚畏之皆逃匿莫敢

當其雌曰鯢大者亦長千里眼睛為明月珠

任昉述異記曰南海有珠即鯨魚目瞳夜可以鑿謂之夜

光

潘岳滄海賦曰魚則吞舟鯨鯢

左思吳都賦曰長鯨吞航脣鯢吐浪

木玄虛海賦曰其魚則橫海之鯨突兀孤遊巨鱗刺雲洪

鬚插大顛滑成岳流膏為淵之流其尾如龍其鱗如雲其
曹毗觀濤賦曰於是神鯨來往乘波躍鱗噴氣霧合噫水
成津骸喪成島嶼之墟日落為明月之珠

鯨魚音

山海經曰鯨魚吞舟

臨海水土記曰鯨魚背腹皆有刺如三角菱

鯨魚音

南越記曰鰩魚南越謂為瓊雷魚長一丈于朝出食暮還
母腹常從臍中入口中出腹內有兩洞腹貯水以養子腹
容二子兩腹則四子也其鰓鱗皮有珠文可以飾刀劍口
孫綽望海賦曰勁鰩揚鬚以排流

鰩魚音

臨海水土記曰鰩額似鰩長四尺

海鰩魚

臨海水土記曰海鰩長丈餘

金樓子曰鯨鯢一名海鰩穴居海底鯨入穴則水溢溢為

潮來鯨既出入有節故潮水有期也

嶺表錄異曰海鰩魚即海上最偉者也其小者亦千餘尺

每歲廣州常發舸舡過南安貿易路經調黎

地名海心有嶮而急亦黃河之門也深闊或見十餘山或出或沒篙工曰非山

島鰩魚背也雙目閃爍鬚鬚若殿朱旗日中忽雨霹靂舟

子曰此鰩魚噴氣水散於空風勢吹來若雨耳近魚即鼓

船而謀倏爾而沒

魚畏鼓物類相伏耳

石蜉魚

鰐魚

臨海水土記曰石蜉音附石以踞錯

吳時外國傳曰鱈魚大者長二三丈有四足似守宮常吞
食人扶南王范尋勅捕取置溝塹中尋有所忿者縛以食
鱈若罪當死鱈使食之如其不食便解放以爲無罪
梁書曰林邑國於城溝中養鱈魚門外圍猛獸有罪者輒
以餒猛獸及鱈不食爲無罪三日乃放之鱈大者長二丈
餘狀如鼉有四足喙長六七尺兩邊有齒如刀劍魚常遇
得麀鹿及人亦噉之蒼梧以南及外國皆有

唐書曰韓愈爲潮州刺史既視事詢吏民疾苦皆曰郡西
湫水有鱷魚外而化其長數丈食民畜產將盡以是民貧
居數日愈往視之令判官秦濟炮一豚一羊投之湫呪之
曰今潮州大海在其南鯨鵬之大蝦蟹之細無不容鱷魚
朝發而夕至今與鱷魚約三日乃至七日如頑而不徙須
爲物害則刺史選材伎壯夫操勁弓毒矢與鱷魚從事矣

呪之夕有暴風雷起於湫中數日湫水盡涸徙於舊湫西
六十里自是潮人無鱷患

虞喜志林曰南方有鱷魚喙長八尺秋時最甚人在舟邊
者魚或出頭食故人持戈於船側而禦之

博物志曰南海有鱷魚狀似龜斬其頭而乾之斷去齒而
更生如此三乃止

交州記曰鱈好出沙上外大如鵝卵可食

廣州異物志曰鱈魚長者二丈餘有四足喙長七尺齒甚
利虎及鹿渡水鱈擊之皆斷喙去齒旬日更生

嶺表錄異曰鱈魚其身吐黃色有四足脩尾形狀如鼉而
舉止趨疾口森鋸齒往往害人南中鹿多最懼此物鹿走
崖岸之上羣鱈嗥叫其下鹿必怖懼落崖多爲鱈魚所得
亦物之相攝伏也故李太尉貶官潮州經鱈魚灘沉擯舟

船平生寶玩古書圖畫一時沈失遂召船上崑崙取之但見鱈魚極多不敢輒近乃是鱈魚窟宅也

鮫魚

說文曰鮫魚也皮可以飾刀

山海經曰燕山漳水出焉其中多鮫魚

郭璞曰鮫背上有甲朱文尾長三四尺皮可以飾刀

西京雜記曰尉佗高祖時獻鮫魚荔芟高祖報以蒲萄錦

四疋

博物志曰東海中有鮫鱈魚既生子子驚還入母腹尋復

出

任昉述異記曰虎魚老則為鮫

鮫魚

南越記曰鱈魚鼻有橫骨如韜海中波浪為之涌海船逢

之必斷

石首魚

臨海異物志曰石首小者名躡水其次名春來石首異種

又有石頭長七八寸與石首同

嶺表錄異曰石頭魚狀如鱈魚隨其大小腦中有一石子

如喬麥粒瑩白如玉有好奇者多市魚之小者貯於竹器

任其環爛即淘之取其魚腦石子以植酒籌

黃靈魚

臨海水土記曰黃靈魚小文正黃似石首

烏賊魚

南越記曰烏賊魚有疔過風浪使虬前一鬚下疔而往腹

中血及膽正黑中以書也世謂烏賊懷墨而知禮故俗云

是海若白事小吏或曰古之諸生常自浮水鳥見以為死

便往喙之乃卷取烏故謂烏賊今烏化為魚
 崔豹古今注曰烏賊魚名河伯從事小吏
 嶺表異錄曰烏賊魚只有骨一片如龍骨而輕虛以指甲
 刮之即為末亦無鱗而肉翼前有四足每潮來即以二長
 足挺石浮身水上有小蝦魚過其前即吐涎惹之取以為
 食廣州邊海人往往探得大者率如蒲扇煨熟以薑醋食
 之極脆美或入鹽渾鮓為乾搥如脯亦美吳中好食之
 左思吳都賦曰烏賊擁劍

鯨魚 音 倍

臨海異物志曰鯨似烏賊而肥炙食甘美

鰓魚 音 制

臨海異物志曰鰓魚至肥炙食甘美諺曰寧去累世田宅
 不去鰓魚額

鰓魚 步角反

漢書曰王莽以關東兵起憂憊不食但飲酒食鰓魚
 東觀漢記曰吳良字大儀齊人為郡議曹掾正旦入賀太
 守門下掾王望前上言壽皆稱萬歲良跪曰門下侯諂明
 府無受其觴盜賊未弭人民困之太守曰生言是遂不舉
 觴賜鰓魚百枚教署功曹良恥以言受官遂不肯謁
 後漢書曰張步遣使伏隆訴闕上書獻鰓魚郭璞注三蒼
著石廣志曰鰓無鱗有殼一面俯石細孔雜雜
或七或九本草云石決明一名鰓魚音步角切
 魏志曰倭國人入海捕鰓魚水無深淺皆沈沒取之
 齊書曰褚彥回時淮北屬魏江南無鰓魚或有間關得至
 者一枚直數千錢有餉彥回鰓魚三十枚彥回時雖貴而
 貧過甚門生獻計賣之云可得十萬錢彥回變色曰我謂
 此是食物非曰財貨且不知堪錢聊爾受之雖復儉之寧

可賣餉取錢悉與親遊噉之少日便盡

陳思王求祭先主表曰先主喜食鰻魚前已表徐州臧霸

送鰻魚二百足自供事

魏文帝與孫權書曰今因趙咨致鰻魚千枚

此目魚

爾雅曰東方有比目魚焉不比不行其名謂之鰈郭璞注曰狀如

牛脾一眼兩片相合

乃行江東呼王餘魚

史記曰管仲諫桓公古者封禪東海有比目之魚

搜神記曰東海名餘腹者昔越王為膾割而未切墮半於

水化為魚

臨海水土記曰兩片特立合體俱行比目魚也

嶺表錄異曰比目魚南人謂之鞋屨魚江淮為之拖沙魚

左思三都賦曰雙則比目片則王餘

孫綽望海賦曰王餘孤遊比目雙遊

人魚

山海經曰龍侯之山澗水出焉其中多人魚狀如鯉魚四

足其音如嬰兒食之無癡疾

史記曰秦始皇冢中以人魚膏為燈燭

臨海異物志曰人魚似人長三尺餘不可食

虎魚

范子曰虎魚出東海

郭璞江賦曰或虎狀類人虎魚頭似虎腹背皆有刺

太平御覽卷第九百三十八

博物志曰東海中有牛魚形如牛剥其皮懸之潮水至則毛起潮去則伏

臨海異物志曰牛魚形如犢子毛色青黃好眠卧人臨上及覺聲如大牛聞一里

魏武四時食制曰海牛魚皮生毛可以飾物出揚州

輪魚 天牛魚魚

南越記曰天牛魚方圓三丈眼大如升在脾頭口在脅中露齒無唇兩肉角如臂兩翼長六尺尾長五尺

水猪魚魚

南方草物狀曰水猪魚隨海潮博岸邊食人人乘船刺之大者圍九尺長二三尺似猪形

太平御覽卷九百三十九

臨海異物志曰鹿魚長二尺餘頭上有角腹下有腳如人足

嶺表錄異曰鹿子魚頰其尾鬚皆有鹿斑赤黃色余曾覽

羅州圖云州南海中有洲每春夏此魚跳出洲化而為鹿

曾有人拾得一魚頭已化鹿尾猶是魚南人云魚化為肉

腥不堪食

郭璞江賦曰或鹿脰象鼻鹿脰頭角如鹿

六爾雅曰鯢大者謂之鯢

今鯢魚似鮪四脚前似狝猴後似狗聲如小兒啼大者長八九尺

異物志曰鯢魚有四足如龜而行疾有魚之體而以足行

故名鯢魚含水仰天不動小鳥就飲因而吞之

異物記曰鯢實四足而有魚名頭尾類鯢岐岐而行生長山澗出入深坑頂上有光迎風噴流云是嬾婦怨對自投

山海經曰人鯨鯨魚音武狀如鯉有翼
呂氏春秋曰灌水之魚名曰鯨狀如鯉有翼
左思吳都賦曰文鯨夜飛而觸綸

珠鼈魚

山海經曰葛山澧水出焉中多珠鼈之魚其狀如肺而有
六足口有珠其味酸甘食之不厲。山海經圖讚曰澧水
之鱗狀如浮肺體兼三才以貨賈客。呂氏春秋曰魚之
美者澧水之魚名曰珠鼈六足有珠澧水在蒼梧九疑之西

赤鯁魚

山海經曰胥丘之山英水出焉中多赤鯁音需其狀如魚而
人面其音如鴛鴦食之已疥。經圖讚曰赤鯁之狀魚身
人頭

何羅魚

山海經曰譙明之山譙水出焉其中多何羅之魚一首十
身其音如吠犬食之已癰

鰓鰓魚

山海經曰涿光之山囂水出焉而西流其中多鰓鰓之魚
音其狀如鵲而十翼鱗皆在羽端其首如鵲可以御火
又經圖讚曰鰓鰓一運十翼翻厥鳴如鵲鱗在羽端
雜書曰鰓鰓魚狀如鵲食之不瘡出涿光之山

鱧魚

山海經曰獄法之山漢淳之水出焉音懷其中多鱧魚音藻狀
如鯉雞足食之已疣
又經圖讚曰鱧之為狀半鳥半鱗

鮪魚

山海經曰北嶽之山諸懷之木出焉其中多鮪魚音詣魚身

犬首音如嬰兒食之已狂之木出於其中冬能然音魚長

鱸鱖魚

山海經曰椒蛛之山速食水出焉中多鱸鱖之魚音狀如

犁牛其音如瓠

山海經圖讚曰魚號鱸鱖如牛虎駁

鱖魚

山海經曰狗狀之山音水出焉中多歲魚狀如條豕如

歲食者無疫南越記長針

山海經曰雞山暴水出焉其中有縛魚音狀如鮒彘毛其

音如豚見則天大旱

又經圖縛魚并頤鳥讚曰頤鳥栖林縛魚處川俱為旱徵

災延普天測之無象厥數惟玄

呂氏春秋曰魚之美者洞庭之縛

鱧魚

山海經曰為抵音山多水有魚出焉狀如牛陸居虵尾有

翼在鮓祛榻下其音如留牛其名曰鱧音冬死夏生蜚類

食之無腫疾

山海經圖讚曰魚號曰鱧處不在水厥狀如牛鳥翼虵尾

鮮魚

山海經曰英山禺水出焉北流注于招音詔水其中多鮮魚

狀如鼈其音如羊

鰓魚

山海經曰樂遊之山桃水出焉其中多鰓魚其狀如虵而

四足

漢書地理志日子桐之水其中澤多鰓魚

山海經曰英鞮之山澗水出焉是多無遺之魚魚身蛇首
六足目如馬耳食之使人不昧可以禦凶

鱓魚

山海經曰鳥鼠同穴之山渭水出焉其中多鱓魚音騷其狀

如鱧魚動則其邑大兵

山海經圖讚曰物以感應亦有數動壯士挺劍氣激江涌

鱓魚潛淵出則民悚

食之無風 鯨鯨魚

山海經曰鳥鼠同穴之山濫音濫水出於其西多鯨鯨之魚

如毗音毗其狀如覆鈔鳥首而魚翼魚尾其聲如磬是生珠玉

蚌類

山海經圖讚曰形如覆鈔苞玉含珠有而不積泄以尾開

閭與道會可謂奇魚

山海經曰邽音圭山濛水出焉其中多羸魚魚身而鳥翼聲

如鴛鴦見其國大水

文音文鯨鯨魚

山海經曰少成之山鴈門之水其中多鮪鮪之魚音浦食之

殺人

山海經曰 鯨魚

山海經曰懸瓊之山晉水出焉其中多鯨魚音紫其狀如儵

而赤鱗其音如吒食之不驕或作

山海經圖讚曰微哉鯨魚食則不驕物有所感其用無標

山海經曰 鯨父魚

山海經曰陽山流水出焉其中有鯨音音父之魚其狀如鮒

魚首彘身食之已歐出其中音歐父之魚其狀如鮪

山海經圖贊曰鮪父魚首厥體如豚鮪父之魚其狀如鮪

山海經曰饒山歷號之水出焉中有師魚食之殺人

山海經曰景山音水出焉中多丹粟文魚有斑

文狀如鮒食者不腫音黑

山海經曰半石之山合水出其陰是多鱮魚其狀如鰕

居達達水中之穴相交蒼文赤尾食者不癰可以已瘰

臨海水土記曰騰魚繩似長二尺

飛魚

王子年拾遺記曰仙人甯封食飛魚而甯死死百年生故

甯仙遊涉七言頌云菁藻灼爍千載舒萬齡斃死餌飛魚

山海經曰隗音山岳過之水出焉而北流注于河其中多

飛魚其狀如豚而赤文服之不畏雷可以禦兵

郭璞山海經圖飛魚讚曰飛魚如豚赤文無羽

山海經曰牛首之山勞水出焉是多飛魚其狀如鮒食之

可以已痔又曰飛魚如豚赤文無羽

張駿山海經飛魚讚曰飛魚如鮒登雲遊波

林邑國記曰飛魚身圓長丈餘羽重沓翼如胡蟬出入羣

而赤喙尾赤羽食可以已白疥

鯀魚音候

左思吳都賦曰王鮪鯀魚劉逵曰鯀給狀如科斗蟲大者長尺餘腹白背青有黃文性有毒雖小鱗大魚不敢噉也蒸煮肥美

潘岳滄海賦曰鰭魚鯀鱗

廣志曰鮓魚一名河豚

牛回切

枹朴子曰南陽丹水有丹魚先夏至十日夜伺之魚夜浮水側有赤光割取血以塗足可以步行水上

廣志曰蚤魚一名鮒

直董切

劉劭叔異苑曰鮓魚

凡諸魚欲產鮓輒以頭衝其腹鮓魚自欲生者亦更相撞觸故世人謂為衆魚之生母也

嶺表錄異曰鮓南人云魚之欲產子者須此魚以頭觸其腹而產俗呼為生母魚

魏武四時食制曰鮓魚側如刀可以刈草出豫章明都澤

云云

魚參魏略曰濊國出班魚皮漢時恒獻之

郭義恭廣志曰班文魚出東夷濊獻其皮

魏武四時食制曰蕭拆魚

海之乾魚也

魏武四時食制曰鯀鮪魚上浮魚黑色大如百斤豬黃肥不可食
數枚相隨一浮一沉一名數常見首出淮及五湖○三十
六國春秋曰吳人夏丞為孝廉高士夏仲御以母疾將市
藥于京師臨丞入洛時值楔飲買充見而訪之仲曰我會
稽夏仲御也充問卿居海濱能戲船不仲曰能之充因命
焉仲御即登船鼓拽容止可觀為鯀鮪之形俄然雲霧杳
冥白魚躍入其舟充甚異之

魏武四時食制曰鯀鮪魚

魏武四時食制曰蕃踰魚如鼈大如箕甲上邊有髯無頭
口在腹下尾長數尺有節有毒螫人

山海經曰龍魚陵居其狀如狸或曰龍魚似狸一角也一日鰕魚音退

却有神聖乘此以行九野一日鼈魚
郭璞山海經圖讚曰龍魚一角似狸居陵侯時而出神聖
攸乘飛鶩九域乘雲上升
括地圖曰龍魚一名鰕魚狀如龍而有神聖乘此以行九
野

郭璞江賦曰或虎狀龍顏龍魚亦似魚

太平御覽卷第九百三十九

太平御覽卷第九百四十一
 其鱗介部十二
 璣魚二十橫公魚食之鱧魚北蒲魚不
 印魚赤黃魚中寄魚人君魚不
 琵琶魚疏齒魚其班魚公黃雀魚凡
 鸞魚赤魚玄
 邵魚王鱗魚人土井魚鱗鑽魚一
 含光魚鱖魚鱖
 伏念魚金石魚婢躄魚奴
 鯨魚銅吮魚陶魚石斑魚織
 戴星魚鱸魚鮫魚新婦魚海稀魚龜
 鮭魚土奴魚蝦蟄魚龜
 鯤炮魚鋸刀魚蝦蟄魚龜

太平御覽卷第九百四十一

其鱗介部十二

璣魚二十橫公魚食之鱧魚北蒲魚不
 印魚赤黃魚中寄魚人君魚不
 琵琶魚疏齒魚其班魚公黃雀魚凡
 鸞魚赤魚玄
 邵魚王鱗魚人土井魚鱗鑽魚一
 含光魚鱖魚鱖
 伏念魚金石魚婢躄魚奴
 鯨魚銅吮魚陶魚石斑魚織
 戴星魚鱸魚鮫魚新婦魚海稀魚龜
 鮭魚土奴魚蝦蟄魚龜
 鯤炮魚鋸刀魚蝦蟄魚龜

鼠魚

弓魚

鯉魚

黍魚

鯨魚

鑽尾魚

土并魚

高魚

蘆鱗魚

鼉風魚

鯢魚

海鯢魚

鮪魚

細赤魚

鰈魚

真魚

雞子魚

竹魚

乳穴魚

鼈魚

瓊魚

漢武內傳曰西王母曰仙人上藥有流淵瓊魚

橫公魚

神異經曰北方荒外有石湖其中有橫公魚長七八尺形

狀如鱧而目赤晝則在湖中夜化為人刺之不入煮之不

死以烏梅二七煮之乃熟食之可以止邪病玄黃經曰橫

其氣乃滅

髮魚

魏武四時食制曰髮魚帶髮如婦人白肥無鱗出溟池

蒲魚

魏武四時食制曰蒲魚其鱗如粥出郿縣

印魚

臨海異物志曰印魚無鱗形似鰩形音錯額上四方如印有

文章諸大魚應死者印魚先封之

郭延之述征記曰城陽縣南六里堯母慶都墓廟前一池

魚額間有印文名頰魚非告祠者捕不可得

左思吳都賦曰印龜音錯

黃魚

吳書曰薛綜上疏交州刺史朱符多以鄉人分作長史強

賦民黃魚一枚稻一斛

劉欣期交州記曰武寧縣秋九月黃魚上化作鶉鳥

南方草物狀曰短細黃魚九月中因秋風而變成鶉上團
吏捕取多食滋味肥美

南中八郡志曰江出黃魚魚形頗似鱸骨如葱可食
郭義恭廣志曰犍為郡犍道縣出臙骨黃魚

寄魚

沈懷遠南越志曰寄魚長三寸似白魚常附海舩以濟洪
波一日寄載魚

臨海水土記曰寄度魚長三寸似白魚

君魚

沈懷遠南越志曰君魚長三寸背上骨如筆管大者似矛
逢諸細魚及鼉腹皆斷之

琵琶魚

臨海異物志曰琵琶魚無鱗形如琵琶

沉懷遠南越志曰琵琶魚無鱗長二尺形似琵琶故因以
為名

任昉述異記曰海魚千歲為劍魚樂魚一名琵琶魚形似
琵琶而喜鳴因以為名

左思吳都賦曰鮫鱠琵琶

曹毗揚都賦曰魚則琵琶烏賊無虱虱劍雨日亦派高幾

疏齒魚

魏武四時食制曰疏齒魚味如猪魚出東海翁
潘岳滄海賦曰此日疏齒

斑魚

魏武四時食制曰斑魚頭中有石如珠出北海
郭義恭廣志曰斑魚頭中有玉石如珠璣

黃雀魚

黃雀魚

臨海異物志曰黃雀魚常以八月化為黃雀到十月入海
為魚恭錄志曰黃雀魚中百五成和類
風土記曰六月東南長風俗名黃雀風時海魚化為黃雀
因為名也

臨海異物志曰鸞魚長五寸陰雨起飛高丈餘

臨海異物志曰鸞魚狀如鸞唯無尾足陰雨日亦飛高數
丈

魚參魏略曰文帝欲受禪赤魚遊於露鑊

王十年拾遺錄曰夏鮫理水無功沈於羽川化為玄魚大

千尺後遂死橫於河海之間後世聖人以玄魚為神化之
物以玄字合於魚字為鮫字

臨海水土記曰邵魚狀如鳶魚狀如神更坐

臨海水土記曰鱗鱗魚狀如鳶魚形

臨海異物志曰井魚頭有兩角八寸用首脊骨其鱗鱗

臨海異物志曰鏡魚如鏡形體薄少肉腹脊光似

臨海異物志曰含光魚一名騰魚黃面美故謂之騰有光

照燭

沈懷遠南越志曰含光謂鴈魚正黃而美故謂為鴈魚夜則有光
嶺表錄異曰黃鴈魚即江湖之橫魚頭鬚長而鱗背金色
南人嚮為炙雖美而毒或煎燂或乾夜即有光如燭

鰕魚

臨海異物志曰鰕魚如指長七八寸但有脊骨好作羹大者如竹竿曝作燭極有光明

鰲魚

臨海異物志曰鰲魚三月生溪中裁長一寸至十月中東還死於海香氣聞於水上到時月輒復更生
永嘉地記曰石堂水口多鰲魚

吹沙魚

臨海異物志曰吹沙魚三寸背上存刺犯之螫人

伏念魚

臨海水土記曰伏念魚似吹沙魚

金石魚

南越記曰金石魚形真如七寸梓

婢屍魚

臨海異物志曰婢屍魚口近腹下形似婦人屍

奴孺魚

臨海水土記曰奴孺魚長一尺如孺形

鯨魚

臨海水土記曰鯨魚似蒲魚長三尺

銅吮魚

臨海異物志曰銅吮魚長五寸似鯨魚

陶魚

臨海水土記曰陶魚長三尺似繩音繩魚

石斑魚

臨海水土記曰石斑魚姪蟲六蟲為一

又曰石斑魚姪蟲蟻螿也斑魚長尺餘其斑如虎文俗言不可食也

戴星魚

臨海水土記曰戴星魚狀如鳶魚背上有兩白璫如指大因名之云

鱸魚

沈懷遠南越志曰鱸魚似鮎鱓音鱓尾上有刺如樛樹刺也

鮫魚音鮫

臨海水土記曰鮫魚似鈇魚

異物志曰南方魚多不肥美唯鮫魚為上大者長二尺作

膾炙九香而美

嶺表錄異曰鮫魚如白魚而身稍短尾不偃清遠江多此魚蓋不產於海也廣人得之多為膾不腥而美諸魚無以過也

織杼魚

臨海水土記曰織杼魚狀似鯿魚味美於諸魚

沈懷遠南越志曰織杼魚如真魚背上正青

鮭魚

臨海水土記曰鮭魚形似鮭魚戲於重川靡有定所

土奴魚

臨海水土記曰土奴魚頭如虎有刺螫人

新婦魚

臨海水土記曰新婦魚似鮭魚長一丈

海稀魚

臨海水土記曰海稀魚豕頭身長九尺

郭璞江賦曰魚則江豚海稀

曹毗楊都賦曰海稀鯨鱓

臨海水土記曰鯤鮑魚似海印魚

臨海水土記曰鯨鮑魚似海印魚

臨海水土記曰鈎刀魚似鯨

蝦蟇魚

臨海水土記曰蝦蟇魚色如鳶魚頭似蝦蟇尾又似鳶

鼉魚音元

臨海水土記曰鼉魚長五寸

鼠魚

沉懷遠南越志曰鼠魚頭如鼠

臨海異物記曰鼠魚長七寸頭如鼠

弓魚

臨海水土記曰弓魚長三寸似鯢魚

鰓鱧魚

臨海水土記曰鰓鱧魚長一尺

黍魚

臨海水土記曰黍魚長三尺似鱈魚

臨海水土記曰鯨魚兩肋下有肉如炙臠大

嶺表錄異曰鯨魚形似鰻魚而腦上突起連背而圓身肉

甚厚肉白如鯪只有一脊骨治之以薑葱魚音在之粳米

其骨亦軟殮者無所棄鄙俚謂之狗磕睡魚以其大在盤下難伺其骨

故云狗磕
睡魚也

南越記曰鑽尾魚有毒一名鼈魚

臨海水土記曰土拌魚長七寸白黑斑文

異物志曰高魚與鱒相似與蜥蜴於水上相合常以三二
月中有雌而無雄食其胎殺人

蘆鯢音魚

異物志曰蘆鯢似鱗蝥而有細文多膏肥美大如蘆管本
出地中隨泉浮出俗名蘆鯢
沈懷遠南越志曰蘆鯢魚生山曲之間穴地為窟泉源踊
則此魚出今廬陵以南至于南州有焉俗以為醬

異物志曰冬天此魚數千萬頭共處大窟中藏上有白氣

或在鼈穴中皮黑如漆能潛知數里中空木所在因風而
入空木化為蝙蝠其肉甚美

鯢魚

毛詩雞鳴曰弊笱在梁其魚魴鰒

爾雅曰鯢魚子正魚之子

又曰鯢小魚音鯢又孕今江東呼魚子未成者為鯢也

海鯢魚

王子年拾遺錄曰黑河北極也其水濃黑不流上有黑雲
生焉有黑鯢千尺水狀如鯨常飛遊往於南海
莊子曰北溟有魚其名為鯢其大不知幾千里
江道詩曰巨鼈戴蓬萊大鯢運天池條忽雲兩興俯仰三

洲移

孫放詠莊子詩曰巨細同一馬物化無常歸脩鯤解長鱗
鵬起片雲飛撫翼搏積風仰凌垂天暈
表宏北征賦曰魚託水面成鯤木在山面有松

鯪魚音而

呂氏春秋曰魚之美者東海之鯪

張衡西京賦曰巢鯪鯪鯪鯪子也鯪細魚類也

細赤魚

劉義慶幽冥錄曰始興雲水源有湯泉每至霜雪其上蒸
氣高數十丈泉中常有細赤魚出遊莫有獲者

鰥魚

毛詩曰弊笱在梁其魚魴鰥鰥夫魚也

孔叢曰衛人釣於河得鰥其大盈車曰吾下一魴之餌鰥

過而不祝又以豚之半則吞矣子思曰鰥貪以餌死士貧
以祿死

真魚

沈懷遠南越志曰真魚如織紵魚

臨海水土記曰鱣魚俗謂之猶魚

雞子魚

嶺表錄異曰雞子魚口有背如鵝肉翅無鱗尾尖而長有
風濤即乘風飛於海上船稍類鮫魚

竹魚

嶺表錄異曰竹魚產江溪閒形如鱧魚大而少骨青黑色
鱗下閒以朱點蟻可翫或烹以為羹臠肥而美

乳穴魚

嶺表錄異曰全義嶺之西南有盤龍山山有乳洞斜貫一

溪號為靈水溪今桂州靈川縣也溪內有魚皆脩尾四足丹其腹游泳自若漁人不敢捕之爾雅云鯢似鮎四足聲如小兒今商州山溪內亦有此魚謂之魚

臨海水土記曰鼈魚似繩魚長二尺

太平御覽卷第九百四十四

